

Comun – L'ofize mobilité dla Provinzia lascia al savèi che dai 13.12.2020 inant jarál sön la ligna 464 – Antermëia – San Martin – Picolin y Lungiarü – San Martin – La Val i dis da laur na coriera vigni ora; les domënies y i santus jarál na coriera sön la ligna Antermëia – Lungiarü – San Martin – La Val vigni 2 ores; a Antermëia sarál d'isté n coliamënt cun Börz.

LUNGIARÜ

Incö, domënia, ai 13/12, festejunse Santa Lizia, la Patrona de Lungiarü. Tan inant ch'i sciafiun orunse ti dé n sonn da festa ala gran mëssa. I inviun ince chi a ciasa da tó pert ala mëssa ascutan le radio dla cōra.

Al vëgn recordé le marcé da Nadé ite dala Spona incö domënia 13/20 dales 9.00 ales 12.00 y ince ia por l'edema dales 8.30 ales 11.30

"Alegrésse, al vëgn le Signur!" (devoziun por insnöt a ciasa)

Introduziun:

Alegrésse dal sot dl cōr, alegrésse dadalt o daplan. Alegrésse y confidede, ciafede flames de speranza ince tl bojëgn y tla tēma. Aspetede la lōm che Jan Batista incūnda, le Bambin dla ciané, le Messia, Gejú Crist.

Ciantia: *Lascésse invié y gnide adōm tl lominus dla terza lōm: (mel. syn 805)*

Fajed' lominé dlunch osta bunté che tol demez la scuritè!

Ede ligrèza! Te so amur vëgn da os le Signur.

Aprisc de lalt por la lōm:

I te laldun, oh Dî etern, tō es la fontana de dōta la vita.

Tō es le lominus, che para demez la scuritè.

Tō nes chërdes sciöche fies y fis dla lōm da ti jí adincuntra muntri y perian a to lominus etern y da aspeté to Fi che vëgn.

Porchël a té le dilan, le lalt y la gloria sëgn y tl'eternité. Amen.

Vangele (ciarede tla plata dant)

Meditaziun

Can é olá n'él pa de chi che é bugn da ester lōm por me y da me fá ligrèza?

Can é olá sunsi pa iō bun da ester lōm por zacai y da ti fá ligrèza?

Can y olá é pa Gejú Crist lōm y ligrèza por me?

I periun

- por chi che ne vëiga en chisc dis degun lominus y ne sint degōna ligrèza
- por dūc chi che á da patí por gauja dl Covid
- por chi che á na maratia ai edli y i verc, che Santa Lizia i dēides y i varēscēs
- por les porsones che nes stá dēr a cōr
- por i popi morc denant ch'ai nascēs, da nasce o do ch'ai é nasciūs y por chi che plūra por ēi.

Nosc Pere sō al cil ...

Benedisciun

Bel Dî, stá pro nos tla scuritè, tl bojëgn y tla tēma, tla ligrèza y tl dilan.

Acompagnēiesse, scinchessé tūa pesc y lāscesse sinti che t'es chilō.

Insciō nes benedēscēs Idî, le Pere y le Fi y le Spirit Sant. Amen.



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunitè

13.12 - 20.12.20 nr. 3

TERZA DOMÈNIA D'ADVÈNT - B

Vangele do Merch 1,1-8

Canche i iüdes â ortié da Ierusalem infora proi y levié da d'ël cun la domanda: Chê este pa tō?, àl confessé y n'â nia loghené; al à confessé: Iō ne sun nia le Messia. Ai l'â damanè: Chê este pa spo? Este Elia? Y al à dit: I ne le sun nia. Este tō le profet? Al à respognü: Nou. Dailò l'âi damanè: Chê este pa tō? I messun ti dè risposta a chi che nes à mené. Cî nen dijeste pa de tè instès? Al à dit: Iō sun la usc de chël che sraia tl desert: Avaliedi le tru al Signur!, sciöche le profet Isaia à dit. Danter chi ch'ê gnüs ortià a damanè, èl inçe farisès. Ai à damanè Jan: Ciodî batièieste pa spo, sce te n'es no le Messia, no Elia, no le profet? Al ti à respognü: Iō batièii cun ega. Amesà os ite n'él un, ch'i ne conescëis nia, èl é chël che vëgn do da mè, y iō ne sun nia dëgn de ti descìolè i cialzà.



Umilté, religiosité y fede n'â pordèrt nia da nen fá cun deblèza.

Dōta la fortèza umana ne dá degōna garanzia y n'â inultima degun valor.

Chël che costruēsc ma sōn se instès, jará dessigü sot, adora o tert.

Chël che vëiga ite ch'al n'â da su degōna esistēza y degōna importanza y che capēsc che la dërta forza sciafiel ma da ciafé altró,

chël che sint che sūa esistēza é tles mans de Chël Bel Dî,

a chël ti vëgnel scinché na forza ch'al ne s'ess gnanca mai somié.

Chèsta segurèza é che ti dá a Jan Batista l'energia por sūa misciun,

ince sc'al n'e s'aratâ gnanca dëgn da ti descìolè i cialzà a Gejú.

Nia da d'ëra infora - mo savon che Chël Bel Dî é da sūa pert -

é jënt credēta buna da jí sura mürs fora y datrai cinamai da i bate jö.

EDEMA LITURGICA	SAN MARTIN	LUNGIARÜ	Oraziun do ligrëza
13.12.20 TERZA DOMÈNIA D'ADVÈNT/B Gaudete! <i>Santa Lizia</i>	9.00 Corona 9.30 Gran Mëssa/Rorate Rorate por la Uniun Guant da Zacan fam. de Herbert Videsott, dl Cir dl ann + Doro Verginer <i>Oferta por la Diozeja (Adventopfer)</i>	<i>Festa de S. Lizia, Patrona de Lungiarü</i> 7.55 Corona 8.15 Mëssa solëna /Rorate en onú de Santa Lizia <i>Oferta por la Diozeja (Adventopfer)</i>	Oh Dî dla vita, i cherdun che te ne lasces nia la jënt y dōta la vita che t'as cherié zënza to aiüt y arbandonada a se instëssa. I stentun datrai da te conësce te nüsc raporc. Abracëiesse cun to Spirit dl amur, få ch'i t'esperimentunse sciöchë i profec, y dëidesse da dé testimonianza de tûa grandëza y bunté, por ch'i ciafunse en te la dërta ligrëza da te laldé y te dí dilan de cör. Amen Ciantia a Santa Lizia Inns y cianties inalzunse sō a te, oh Santa Lizia, stëra lominosa y bela tō confort de nosta fede. <i>Oh Santa Lizia, nosta patrona, jona acorta, jona fedela, prëia por nos, oh prëia por nos.</i> 2. Dediché tûa vita aste al Signur, tûa gran speranza, tres tigní pro ël te aste ligra te súa vijinanza. <i>R</i> 3. Orentida da i plajëi ofrí t'aste dōta canta, döt to cör y tûa ciantia, tûa jonëza y to avëi. <i>R</i> 4. De Gejú gran testemona tl perié y te to vire jüda incuntra zënza pora, don tûa vita, al martire. <i>R</i> 5. Santa, ciara de nüsc edli ch'i oduns' i bëgns dla tera y podunse, jogn y vedli, amiré la löm eterna. <i>R</i> 6. Dan alté unis da festa pro le pan y la parora te laldunse en bela iesta nücia tl cil pro past da noza. <i>R</i> 
14.12.20 Lönesc <i>Jan dla Crusc,</i>			
15.12.20 Dedolönesc <i>Cristiana, Nina</i>	19.00 Mëssa/Rorate dl ann + Albino Pedevilla + Helga Tolpeit Mangutsch, S. Ciascian + Sciandro y Loise Dasser (dl ann)		
16.12.20 Dedemesaledema <i>Adelheid, Albina</i>		7.30 Mëssa/Rorate Rorate por la Uniun di Seniors Rorate por le KVV + Vittoria Clara	
17.12.20 Jöbia <i>Lazar da Betania, Iolanda</i>	7.30 Mëssa/Rorate + Pepi Deiaco, Larjëi (dl ann) ++ dla fam. Sepl Frenner + Maria, Pire y Tone Unterweger Corona por vocaziuns	19.00 Funziun Penitenziala	
18.12.20 Vëndres <i>Filip, Grazian</i>	19.00 Funziun Penitenziala	7.30 Mëssa/Rorate familia de Angel y Maria Sorá + Luca Schuen	
19.12.20 Sabeda <i>Conrad, Susana, Beniamin</i>	17.30 Mëssa prefestia/Rorate Rorate por la Uniun di Èi Rorate por la Uniun dl Sport vis y def. families Perathoner y Prousch vis y def. Teresa Pedevilla Flöss	19.00 Mëssa prefestia/Rorate Rorate por le Cor de Dlijia por la Uniun di Iagri y i Pëiapësc fam. Tini y Dorina Clara cun families + Roslinda Deiaco ++ Iaco y Veneranda Clara, Oriana ++ Rudi y Monica Moling ++ Franz y Zezilia Pezzei	
20.12.20 CUARTA DOMÈNIA D'ADVÈNT - B	9.00 Corona 9.30 Gran Mëssa/Rorate Rorate por le Consëi de Cöra y chi che fej n sorvisc por la dljia Rorate por le KVV families de Alfred Castlunger	7.55 Corona 8.15 Mëssa solëna /Rorate por la Comunità	